

2109

P O L E M I C I.

2110

puto nostra innui per *Quaestiones quodlibeticas* a solo *Waddingo* citatas. Quamvis enim hae illo teste incipiant: *Inter Thesuros Sapientiae &c.* meminisse tamen debemus, eas in praesenti *Codice* compendio tantum referri, ut *Titulus* supra adscriptus docet.

Involutus est *Codex* Membranae continenti *Literas* expectativas ab *Innocentio* Pont. Rom. datas *Job. Clementi* de *Duba* pauperi Clerico ad beneficium, cujus collatio spectat ad *Pragensem* Episcopum, aut *Coenobium Aulae Regiae* Ord. Cist. *Rome apud Sanctum petrum XII. kl. Decembr. Pontificatus Anno primo.* Est is *Annus* 1353. et *Pontifex Innocentius VI.*

## DLV.

785 *Codex* membranaceus lat. Sec. XII. Folior. 67. 8. minutius, sed eleganter exaratus, et rubricis distinctus exhibet: I. *Dialogum* inter *Clericum* *Secularem* et *Regularem* inscriptum *Innocentio* II. Pont. Max. qui obiit a. 1143. Initium ejus ita habet: *Innoc. divina fauente clementia sanctae romanae sedis almo pontifici. G. frater indignus uocari presbiter. cum Petro pugnare. cum Petro triumphare. Quod omnium ecclesiae filiorum ego indignissimus et infimus presumo scriptis alloqui uicarium Petri &c.* Autor nervosi et egregii hujus Scripti est *Gerhobus* ab a. 1132. ad an. 1169. celeberrimus Collegii Canon. Reg. *Reichersberg.* in *Bavaria* Praepositus, pie-

tate ac doctrina illustris, acerrimusque veritatis propugnator et morum censor; in *Epilogo* enim, nobis fol. 26. p. 2. disertè legas: *digneris in bono habere memoriam mei indigni presbiteri nomine Gerhobi.* Edidit illud e *Cod.* ut ait, coaevo *Coenobii Rotens.* O. S. B. in *Bavaria* D. *Bern. Pezsius* T. II. *Thes. Noviss. Anecd.* P. II. p. 438. praemissis in *Dissert. Isagog.* p. 28. observationibus, quae me plura de eo adferendi labore levant. Id unum noto, *Codici* nostri possessorem quendam olim absurde circumspèctum verba illa, quae sub principium *Gerhobus* de se posuerat: *perdita virginitate, nimium sero, delevisse, quae Pezsius* laudabiliter reposuit memor illius: *Est confusio adducens gloriam et gratiam.* *Eccli* 4. v. 25. Ceterum *Codex* cum *Editis* probe consonat.

II. fol. 28. sequuntur *Excerpta* e L. XXI. *Augustini* de *Civitate Dei* de *Sacramentis* *Eucharistiae* et *Baptismi.* Item e *Gelasii* I. *Epist.* ad *Epp. Orient. et Dardan.* Item ex *Augustino* de *potest. lig. et solvendi, et de unico Baptismo &c.*

III. fol. 31. Incipit *tractatus* *wilgelmi* philosophi de *cicis* super *philosophiam.* Lege *Wilhelmi* seu *Guilelmi* ab oppido patrio *Normanniae* dicti de *Conchis,* quem nolim cum *Possentino* conjicere *Franciscanum* fuisse, Autoris in *Gallia* sua Sec. XII. celeberrimi, mortui a. 1150. *Parisiis,* de quo ubertim congeffit *Oudinus* T. II.

L 11 3

col.

col. 1228. *Prologus* ita init: *Quoniam ut ait tullius in prologo rethoricorum. Eloquentia sine sapientia nocet &c.* Opus dividitur in *Libros IV.* qui in *Codice* praevis *Capitum Elenchis*, excepto primo, instructi sunt, aguntque de *Deo, Elementis, Meteoris, Homine &c.* ut videre est in edit. *Opp. Bedae Colon.* 1688. f. T. II. p. 206. ubi huic tributi inscribuntur: *Περί Σιδαξέων* five *Elementorum Philosophiae Libri IV.* Vocantur vero etiam *Guillemi Philosophia minor* ad distinguendam ab iis *Philosophiam Nostri majorem Libror. XXXIII.* cujus *Sec. XV.* absque anno f. impressae summam raritatem depraedicat *Oudinus*, cujusque *Partem de Opere sexte diei* ita impressam *Bibliotheca Cremifan. O. S. B. in Austria* sup. servat. Initium porro *Elementorum L. I.* tale est: *Philosophia est eorum que sunt et non videntur &c.* *Liber II.* nobis ita finit: *Cum luna frigida et humida sit quamvis a sole illuminetur. aliquid tamen naturalis obscuritatis in aliqua parte sua retinet que ibi semper apparet.* Quae ab *Editis* discrepant, ut conferenti patebit. Praeterea *Edita Librum IV.* ita terminant: *ad cognitionem creatoris perveniamus.* At vero *Codex noster* hic ultra progredi-

tur: *Et quoniam in omni doctrina grammatica precedit de ea dicere proposuimus. quoniam etsi priscianus satis dicat. tamen obscuras dat diffinitiones nec exponit. Causas uero inuentionis diuersarum partium et diuersorum accentuum (accidentium?) in unaquaque pretermittit. Antiqui uero glossatores satis bene litteram continuauerunt. et fere et plerumque bene regulas exceperunt sed in expositione accidentium errauerunt. Quod ergo ab istis minus dictum est dicere proposuimus, quod obscure, exponere. ut ex nostro opere aliquis causas inuentionis praedictorum querat et diffinitionum prisciani expositiones. Ex antiquis uero glosis continuationem et expositionem littere eiusdem et expositiones regularum et fere et plerumque petat. Sed quoniam de propositis supra id est de eis que sunt et nec videntur et de eis que sunt et videntur sectantes compendia diximus, rationem operis terminemus. Itaque et *Grammaticam* scripsit *Noster*, quod nemo notat, quamvis eum *Johannes Sarrisber. Metalog. L. I. c. 5.* eum *Grammaticum opulentissimum* adpellat. Nota *fol. penult.* adjecta ait: *Anno 1297. Ciuitatem in Bassaw ab Alberto Austriae Duce obsessam fuisse.**

